



REPUBLIKA E SHQIPËRISË

**AUTORITETI PËR INFORMIMIN
MBI DOKUMENTET E ISH
SIGURIMIT TË SHTETIT**

**INSTITUTI I STUDIMEVE PËR
KRIMET DHE PASOJAT E
KOMUNIZMIT NË SHQIPËRI**

Nr. 237/1 Prot. Datë 12 /07/2017

Nr. 558 Prot. Datë 12 /07/2017

MARRËVESHJE BASHKËPUNIMI

**Autoriteti për Informimin mbi Dokumentet e Ish-Sigurimit të Shtetit (më poshtë AIDSSH),
përfaqësuar nga Kryetarja, Znj. Gentiana Sula;**

dhe

**Instituti i Studimeve për Krimet dhe Pasojat e Komunizmit në Shqipëri (më poshtë
ISKPK), përfaqësuar nga Drejtori Z. Agron Tufa;**

Nisur prej interesit të përbashkët të dy Institucioneve palët bien dakord të lidhin këtë
Marrëveshje Bashkëpunimi (më poshtë “Marrëveshja”).

Neni 1

Objekti

Objekti i kësaj **Marrëveshje** është institucionalizimi i marrëdhënieve për aplikimin e procedurave që thjeshtojnë bashkëpunimin e ndërsjellë të palëve, në kuadër të identifikimit, grumbullimit, administrimin e dokumenteve e të materialeve arkivore të ish-sigurimit të shtetit

dhe të organeve të diktaturës komuniste, si dhe bashkëpunimi në fushën e botimeve, kulturës dhe promovimit të saj, që dëshmojnë periudhën për krimet e komunizmit në Shqipëri dhe periudhën që ka funksionuar ish-sigurimi i shtetit.

Neni 2

Baza ligjore

Baza ligjore e kësaj **Marrëveshje** është Ligji nr. 10 242, datë 25.2.2010 “Për Institutin e Studimeve për Krimet dhe Pasojat e Komunizmit në Shqipëri” dhe Ligji nr. 45/2015 “Për të drejtën e Informimit për dokumentet e ish-Sigurimit të Shtetit të Republikës Popullore Socialiste të Shqipërisë”.

Neni 3

Sfera e bashkëpunimit

AIDSSH dhe **ISKPK** angazhohen të bashkëpunojnë në kryerjen e studimeve shkencore dhe edukimin qytetar si dhe në aktivitetet e organizuara prej secilës palë, sipas programeve të miratuara në bashkëpunim bilateral ndërmjet dy Institucioneve.

Neni 4

Të drejta dhe detyrimet e palëve

Në përmbushje të kësaj **Marrëveshje**, **AIDSSH** dhe **ISKPK** kanë këto të drejta dhe detyrime:

1. të shkëmbejnë planet vjetore dhe kalendarët e aktiviteteve që dy Institucionet miratojnë;
2. të marrin pjesë në takime të organizuara nga secila palë, për çështje që janë objekt i kësaj Marrëveshje;
3. të bëjnë të disponueshëm kundrejt kërkesave dhe formularëve të aplikimit, dokumente dhe materiale arkivore që i përkasin periudhës së komunizmit dhe që i nevojiten secilës palë në funksion të veprimtarisë së punës përkatëse në përputhje me legjislacionin në fuqi për arkivat dhe në respektim të kërkesave të parashikuara në nenin 36 dhe 37 të ligjit nr.45/2015;
4. të bashkërendojnë punën për kërkimin shkencor me qëllim rishqyrtimin historik të veprimtarisë së ish-Sigurimit të Shtetit;
5. të bashkërendojnë punën për edukimin qytetar nëpërmjet garantimit të mundësisë për shqyrtimin e dokumenteve të organeve të diktaturës komuniste, duke përfshirë dokumentet e ish-sigurimit të shtetit të asaj periudhe;
6. të organizojnë, hapin ose shkëmbejnë ekspozita që kanë si bazë pasurinë dokumentare apo kulturore në fushat respektive që dy Institucionet mbulojnë sipas ligjit;
7. të organizojnë konferenca, takime, workshop-e për të nxitur ndërgjegjësimin e të gjithë atyre që u janë përpunuar/ruajtur të dhënat nga ish-sigurimi i shtetit, gjatë periudhës së

diktaturës komuniste, me qëllimin krijimin e një kulturë gjithëpërfshirëse për njohjen e dokumentacionit arkivor të kësaj periudhe;

Neni 5

Koordinimi ndërmjet palëve

1. Në zbatim të kësaj **Marrëveshje**, **AIDSSH** dhe **ISKPK** do të caktojnë nga një person kontakti.
2. Personat e kontaktit do të mbajnë takime ndërmjet tyre në varësi të nevojës për shkëmbim informacioni dhe do të informojnë titullarin e institucionit në lidhje me zbatimin e kësaj **Marrëveshje**.
3. Komunikimi mes palëve do të jetë në formë zyrtare shkresore, duke mos përjashtuar format me të shpejta të komunikimit elektronik.
4. Palët do të njoftojnë reciprokisht në rast se ndryshohet personi i kontaktit.

Neni 6

Përmirësimet, Ndryshimet, Shtesat

1. Palët mund të bëjnë përmirësime, ndryshime dhe/apo shtesa në këtë **Marrëveshje**, bazuar në pëlqimin e ndërsjellë të tyre.
2. Çdo përmirësim, ndryshim dhe/apo shtesë do të bëhet vetëm me shkrim nga titullarët e **AIDSSH** dhe **ISKPK**, apo nga persona të autorizuar prej tyre dhe do të hyjnë në fuqi pas nënshkrimit të tyre.

Neni 7

Mirëbesimi

1. **AIDSSH** dhe **ISKPK** do të respektojnë parimin e mirëbesimit të ndërsjellë.
2. Palët duhet të mbajnë në mirëbesim të gjitha dokumentet, të dhënat dhe informacionet e tjera të shkëmbyera prej tyre në lidhje me këtë **Marrëveshje**.

Neni 8

Afati i marrëveshjes

1. Kjo **Marrëveshje** do të lidhet për një kohëzgjatje të pacaktuar.
2. **Marrëveshja** mund të përfundojë nga secila **Palë** nëpërmjet dërgimit të një njoftimi me shkrim **Palës** tjetër, (të paktën një muaj përpara).
3. Në rast të përfundimit të kësaj **Marrëveshje**, palët do t'u përmbahen detyrimeve që rrjedhin nga kjo **Marrëveshje**, përsa i përket informacionit të shkëmbyer përpara datës së përfundimit të saj.

Neni 9

Nënshkrimi dhe hyrja në fuqi

1. Kjo **Marrëveshje** hyn në fuqi ditën e nënshkrimit të saj.
2. Marrëveshja është hartuar në Tiranë, në katër kopje origjinale, dy prej të cilave depozitohen në **Autoritetin për Informimin mbi Dokumentet e ish-Sigurimit të Shtetit** dhe dy të tjera në **Institutin e Studimeve për Krimet dhe Pasojat e Komunizmit në Shqipëri**.

PËR

Autoritetin për Informimin mbi

Dokumentet e ish-Sigurimit të Shtetit

Gentiana SULA

KRYETARJA E AUTORITETIT



PËR

Institutin e Studimeve për Krimet

dhe Pasojat e Komunizmit në Shqipëri

Agron TUFA

DREJTORI EKZEKUTIV

